

دائرة مخصوصه

در سعادتده باب عالی جوارنده

محل اداره :

مشرط القلم

اخطار :

مسلكمزه موافق آثار جديده مع المنوئيه
قبول اورانور

درج ايندنهين آثار اعاده او انجاز

ديره، فلسفه، علوم، حقوق، ادبياتده و سياسياتده و باطاصه كرك سياسي و كرك اجتماعي و مدني احوال و شئونه اسلاميه و ده بحث ايدر و هفتده بر نشر انور.

آبونه بدلی

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۶۰۵	۳۰۵ روبله
سائر ممالک اجنبیه	»	۱۷	۹ فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخہ سی ۵۰ پاره در

قیرلہ دن مقوا بورو ایله کوندریلیرسه سنوی

۲۰ غروش فضله آلنیر

قدر مؤثر اوله ميه جنى شهه سز ايسه ده وطن اولادينك معزز حياتنه ملتزمك اميد استقبالي اولان كنيج فدانلرك نشو ونماسه دائر ولومكر، ناچر اولسه بيله سويلنه جك سوزلر، ايديله جك نصيحتلر، هر حالده فائده دن خالى قاله من اعتقادندميز. ايشته راقم الحروفه جسارت وپرن شومطالعاته بناء مشروبات كئوليه دائر بروجيه آتى قارئن كرامه حفظ الصحه علمای مشهوره سنك بعض اقوال وافكارى خلاصه ايده چكز:

اولا شوراسنى بيان ايدلم كه سر خوشلغك جمعيت بشريه ويره چكى فنانلى هيچ برشى ويره من.

بر سر خوشى بزكرى يي كوزمك اوكنه كتيردم: وجهى مورارمش، كوز قباقلرى شيشمش، لهجه سى ايكرنج بر حال پيدا ايتمش، الارى، اياقلى تترديه رك سوزنى، صحبتى شاشيرمش، يوزينه باقائلى كنديسدن نفرت ايتديره جك قدر مخوف برشكل آلمش اولان بر آدمك جمعيت بشريه نه خيرى نه خدمتى اوله بيلر؟

انسانلره مسكراتك ويره چكى فنانلى اك وخيم علل ساريه دن دها مدهشدر. چونكه قولرا، وبا، سائر امراض ساريه نك نوع بشره ويره چكى ضايعات اسپيرتونك ويره چكى فنانله نسبة دها آذرر.

انكترده سنوى عشرت يوزندن التمش يتمش بيك، روسيه ده يوز بيكى متجاوز، جواهر متفقه آمرىقاده ايسه دهازياده اولدينى حتى فرانسه، بويوزدن سنوى بيكرجه تلفات وقوعه كلديكى طوتيلان استاتستكلرله صوك سنه لرده آ كلاشيامش حقايقندركه آرتق علل ساريه ايله عشرت بليه سنك انسانلره ايراث ايلديكى فنانلغك بيننده كى فرقك تعيننى قارئنه ترك ايلرز.

فرانسه اطباى مشهوره سندن وحفظ الصحه علماسندن دوكتور (ارنولد) مسكرات حقنده نشر ايتديكى برمجنده اسپرتولى مشروباتك وجوده لزومى وارمى يوقى؟ اسپيرتو وجوده قوت ويررمى ويرمى؟ سؤالنارنه بروجيه آتى جواب ويريور:

«اسپيرتولى مشروباتك وجوده لزومى، فائده سى يوقدر. على العموم اسلام، خصوصيله مسلمان كويليلرى دائما قوتلى، اشتغالات بدنیه وعقليه اجراسنه مقتدر اولدقلى حالده برقطره بيله مسكرات قولايلاقلى اسپيرتونك عدم لزومنه دليلدر. اداره بدنيه نك استفاده سى ايجون اسپيرتو اصلا برمنبع قوت اوله من برطاقم جهلا مسكراتك وجوده قوت بخش ايلديكى ادعاسنده بولنورلرسه ده بالعكس كئول قوت ودرمانى ازاله ايدر يالكز سريع الزوال برتهيج عصبي حصوله كتيررسه ده هيچ برزمان اسپيرتو تزويد قوته خدمت ايدم من»

مسكراتك صاف، خالص اولمى وجوده نافعدر فكرى واهيدر. بومسئله يي ده دوكتور (ارنولد) شووجهله ايضاح ايدويور: «مشروبات كئوليانك وجوده مضرتى غيرصاف اولمسندن ايلروكلز. چونكه اسپيرتولى مشروباتده مواد اجنيه بولنسه بيله انجق اون بيكده برنيتنده لاشي حكمنده در بناء عليه بعضيلرينك ظنى كى صاف مسكرات وجوده نافعه غيرصاف نافع دكلدر فكرى بك ياكلش برذهاب باطلدر

زيرا مسكراتك مضراولمى تركينده كى اسپيرتونك مقدارينه كوردر» عجبامشروبات كئوليه آت، ياخود چوق ايجلمسنه كوره مضرتى تخلف ايدر مى يعنى آزايجيليرسه نافع چوق ايجيليرسه مضرميدر سؤالنده طيب مشار ايله شويله جواب ويريور:

«تركينده اسپيرتوسى چوق مقدارده اولان مشروبات كئوليه دن دائمى صورته، مدت مديده آرقه سنى كسمه دن استعمال ايدن بر آدم طبيعى آزمقدارده قوللانان آدمدن دها چوق مضرت كورر. مع مافيه مسكراتك آزيده چوغيده حتى قطره سى بيله وجوده مضرت ويرمكدن كيرو قالمز.»

اى ارباب انصاف تفكر ايديكز! دين جليل محمدىنك علويتى پيش انظار كزده تجسم ايتدير كز بونه دين عاليدر! بيك اوچ يوزسنه صكره ممالك افرنجده دنيايه كلوبده اسلاميته معتقد اوليان كيمسهر بيله احكام جليله سنى تصديق مجبور اوليور! شرابك قطره سنى حرام ايليان اسلاميت دكلدر؟ آرنولد كى اسلاميتدن خارج اولان بر فرنك طيبينك شويوقاروكى سوزلرني او قويوبده انسانلرى هر خصوصه مسعود، هر درلو مهالكدن مصون قيلان بويله بردين عاليقدره كافه حسيات وجدانيه سى بتون اجزاي وجوديله يوزقات دها ربط قلب ايلامسى برمسلمان ايجون ممكن ميدر؟ سابق اطفال خسته خانه سى سرطبيى «مابعدى كله جك هفته»

بكار بكلى ابراهيم



فلسفه حياتيه دن:

افعال اراديه

افكار مجرده وعموميه - قوه محاكمه - قوه مدركه

حيوانانده فكر، دائما مخصوص يدر يعنى فلان وجود ويا فلان حادثه يي بيلر، طائير. انسانده حيوانات سائر كى افكار مخصوصه يه مالكدن. فقط بو فكر مخصوصى تشكيل ايدن احتساسادن ويا بونلرك اوصافدن بر ويا بر قاجنى تفريق وتجريد ايله بعضيسنى ضبط وحفظ ايتك ملكه سنه مالكدن. مثلا بر كاغد ياراغى اوكنده بر كيميا كر مختلف احتساساتى (بصرى، لمسى، حرارى، سمى) وانلرك اوصافنى تجريد ايدمرك انجق تركيب كيمويسنى حفظ ايدر. كيميا كر ايجون بو كاغد ياراغى نسبت معينه ده امتزاج ايتمش قاربون، مولد الحوضه ومولد الماء مركبدن بشقه بر شى دكلدر. ايشته بو كاغد ياراغى فكر مخصوصدن كاغدى تعريف ايدم بيلر زكه بو بر فكر مجرد (idée abstraite) اولور. انسان بر دفعه بر فكر مجرد استحصال ايتدكدن صكره اونى تعميم ايدر. فقط بو تعميم خطالى اولماق ايجون دائما مشاهده وتجربه ايله تفتيش ايدلميدر. ايشته مثالزده كچن كيميا كر بالتحليل الله ايتديكى تركيب كيموى يي بتون كاغد ياراقلرينه عطف واسناد ايده چكدر. افكار مجرده عنى زمانده عموميدر. انسان، افكار مجرده وعمومى يي اشارات اعتباريه دن عبارت اولان كلمات ايله اظهار ايدر. افكارى تجريد و تعميم ايدن وبونى برلسانله افاده ايلين يالكز انساندر.

انسان افکار مجرد و عمومی یکدیگره اشتراك ایتدیره درك بر حکم و تعقل بنا ایدر .

بو حکم و تعقل یار دیمیه و قاعده علیه استناد ایله - سبب مناسب اولدجه هیچ برشی حصوله کلز قاعده سی علم بشرک اساسیدر - معلومدن مجهوله کیده درك و اجسام و حادثاتدن اسباب و قوانینه ارتقا ایدره درك نتیجه مطلوبیه واصل اولور . موجودات و وقایعدن اسباب و قوانینه واصل اولمق ایچون افکاری تجرید و تعمیم ایتک و بالحا که انلری اشتراك ایتدیرمک ، بر علم وجوده کتیرمک دیمکدر . حیوانات عالیله ایچنده بو صورته علم وجوده کتیرن یالکزر انساندر . بوفکره کوره انسانی تعریف ایتک لازمکیرسه انسان ، علمی بر حیواندر (L'homme est un animal Xiantifique) دیمک ایجاب ایدر .

تعامل ارادی . - بتون انطباعات ، احساسات و افکار مخصوصه تعامل ایقاع ایلدکری کبی حکم و تعقل حالنه قونیلان افکار مجرد و عمومیده تعاملات حصوله کتیریرلر . او حالده فعل ارادی ؛ بر تعقل ایله اوئی تعقیب ایدن بر تعاملک هیئت مجموعه سیدر دینیه بیلیر .

افعال ارادیه دخی سوق طبیعی کبی بر مقصد مفید اوزرینه اجرا اولور . یالکزر سوق طبیعی یه مغایر اوله رق بوراده مقصد و غایه دخی معلومدر . انسان اجرا ایتدیکی افعالک نه مقصده منبی اولدیغنی بیلیر . مثلاً شکرک و بو کبی ماییت قاربونیه لرک حیراتنک تغذیسنه الزم اولدیغنی بیلهرک اغذیه سی میانته ادخال ایدر . حالبوکه هنوز سوق طبیعی ایله حرکت ایدن چو جوق شکر پارچه سی مطلقاً طائی اولدیغنی ایچون یر ، عضویتنک احتیاجنی اصلاً بیلمز . سوق طبیعی ایله ، یابدیغنی فعلنک مقصد فیزیولوژیسی بیلیمیه درك ذوق و یا احتیاجک تأثیریه اجرا ایدر . کذا انسانک بر عائله تأسیس ایتک ایچون بالتعقل اجرا ایتدیکی تأهلده بر فعل ارادیدر . حالبوکه حیواناتک چفتلشمه سی بر احتیاج تأثیریه اولدیغندن غایه سی غیر ادراکی اولان بر فعل سوق طبیعیدر . بو مثاللرده کوریلور که انسان بیلهرک و قصداً غایه فیزیولوژیی اجرا ایتک یعنی محافظه حیات و ادامه نسل ایلک و افعال سوق طبیعییه افعال ارادیه یه تحویل قیلیمق ایستیور .

بعضاً افعال ارادیه غایه فیزیولوژیی یه غیر موافق اولور . بو حال مقصد عالیی ادراک ایدمه مامکدن یا خود بر احتیاجی و یا مشوش بر تعقلدن تولد ایدر . پک چوق آدمیر واردرکه بر طاقم سوء استعمالله فعل تناسلک غایه حقیقیسنه واصل اولمق ایسته مزلر . بونلر ایچون فعل تناسل حیوانلر کبی بر ذوق طبیعی در .

انسان تعقل نتیجه سیله بر درجه یه قدر سوائق طبیعییه ده مقاومت ایدمه بیلور . فقط بو قوه مقاومت (inhibition) محدوددر . اوزون بر زمان یمک و بالخاصه ایچمک سائقه سیله مجادله ایدمه مز . بو غولمق و یا یانمق تهلمک لری اوکنده ارتق اراده قالماز . اراده نک غیر ادراکی اولان افعال منعکسه اوزرینه هیچ بر تأثیری یوقدر . ادراکی اولان افعال منعکسه یه ده پک جزئی تأثیر ایدر . مثلاً حرکات و افرازا معدویه یی تبدیل و تغییر ایتک ممکن اوله ماز . کوزده کی طبقه قرنییه

بر جسم اجنبی تماس ایتدیکی وقت کوز قباقلرنک حرکات اختلاجه سی منع ایتک قابل دکلدر . حرکات تنفسیه یی انجق جزئی بر زمان ایچون توقیف ایدمه بیلیر . شخصک محافظه حیاتنه عائد سوق طبیعی اوزرنده اراده مانعه و یا مقاومتنک جزئی بر تأثیری وار ایسه ده نسلک دوامنه عائد سوق طبیعی اوزرنده تأثیر شدید اجرا ایدر . فی الحقیقه بو کون بیکلرجه ارکک و قادین واردر که امور دینیه ده کی تعصب لری نتیجه سی اوله رق عفت و عصمتلری نذر ایدرلر و دقتی بر صورته بونی محافظه یه چالیشیرلر . تعقلک بو قدرت مانعه سی ده بر علت غائییه حائزدر . بوراده کی مقصد ، تأثیرات مختلفه تحتند بر شدت فوق العاده اخذ ایدره درك غایه طبیعی یی تجاوز ایدن بعض میلان سوق طبیعی یی تعدیل و تنظیم ایتمکدر . مع مافیه بعض حالاتده بو قوه مقاومت ضعه دوچار اوله رق تمایلات بونی تجاوز ایدر و احتیاجات دینیلان افعالی تشکیل ایدر . سرخوشلق او بورلق فحشیات ... الخ کبی . سوائق طبیعییه اتمام و یا اوئی تعدیل ایدن افعال ارادیه دن بشقه بر نوع افعال ده واردر که بر تعقلک نتیجه سی اوله رق ظهور ایدن بو افعاله انسان بالذات بیلدیکی واکلا دینی بر مقصدی تعقیب ایدر . ایشته بتون آثار علمییه ، صناعیه و نفیسه بونوع افعال ارادیه آثاریدر . افعال ارادیه ادراکی ایسه لره اوزون مدت دوام و تکرر ایدر ایسه غیر ادراکی اولمه باشلار . یازی یازمق بوکا اعلا مثال اولور .

بعض مؤلفلر سوق طبیعی لرک افعال ارادیه دن بشقه برشی اولدیغنی و انجق بو افعال ارادیه نک تکرری و اعتیادیه غیر ادراکی اولدقلرینی و بالآخره بویه جه وراثتله انتقال ایلدکلرینی ادعا حتی بوکا پک چوق مثال ارانه ایلیور لر سه ده (پاوله سقو) نک ظنجه بونلر فعلک ادراکیله مقصدک ادراکی قاریشیدیر یورلر . پاوله سقو ، بوفکرک قبول اولمه یه جفته دائر مشهور فرانسز طبیعیونی (فابر) ک بر مثالی ذکر ایدیور . آموفیل نامنده غشائی انساج صنفه منسوب بر حشره نک سرفه سی بیوک بر طریلک نسج حیاتداریه تغذی ایدیور . بناء علیه حشره ایچون طریلی صاغ اوله رق و سرفه یه حرکاتیه ضرر ویر مامک ایچون غیر متحرک صورته محافظه ایتک ایجاب ایدر . حقیقه ده آموفیل اوئی اولدیر مکسزین ایکنه سنی طریلک قارننک خط متوسطی اوزرنده طقوز نقطه یه صاپلا یه رق حرکاتنه حکم ایدن مراکز عصبیه یی تخریب و حیوانی فلجه دوچار ایدیور و بو عملیات فوق العاده بر مهارت و صحتله یاییور . اکر بو سوق طبیعی اولجه ارادی اولمش اولسه ایدی آموفیل ، طریلک تشریحی ، مراکز عصبیه سنک طوبوغرافیاسنی و حتی عقداتک فیزیولوژی وظیفه لری بیلمسی اقتضا ایدردی . بوندن بشقه آموفیل ، سرفه سنک طریله اولان احتیاج مستقبلییه ده اکلایسی لازمکیردی . حالبوکه سرفه سی طوبراقدن چیقماندن و آنی کورمه موفق اوله مادن بیچاره تلف اولوب کیدیور . و بناء علیه (پاوله سقو) بوفکرکی یعنی افعال ارادیه نک سوق طبیعی یه تحویل ایتسنی قبول ایتور .

انقره لی علی رضا

دها وار

